

Johann Ernst Schaper


**Johannes Ernestus Schaper, Serenissimi Ducis Mecklenburgensium Regentis
Consiliarius ... Hodie Academiae Rostochiensis Rector In instanti S. Michaelis
Archangeli ... Festo Gaudium eorundem in Jubilæo N. T. Christiano Circa Animas
Poenitentes Vere Jubilæum ... Omnibus Omnium Ordinum Academicis Civibus ...
commendat**

Rostochii: Typis Joh. Weplingi[i], [1717?]

<http://purl.uni-rostock.de/rosdok/ppn1003987532>

Druck Freier  Zugang





T. 512.

1717. Michaelis.

~~M-1256~~ 192.

Man. 1717

JOHANNES ERNESTUS SCHAPER,

SERENISSIMI DUCIS MECKLENBURGENSIUM REGEN-
TIS CONSILIARIUS REGIMINIS ET ARCHIATER, MED. DOCT.
EJUSQVE PROF. DUC. PUBL. PRIMAR. ET ORD. TOTIUS
UNIVERSITATIS, COLLEGI DUCALIS, ET FACULT.
SUE SENIOR.

HODIE

Academiae Rostochiensis RECTOR

In instanti

S. MICHAELIS

Archangeli, reliquorumq; Angelorum,
Cœlesti in Curia perpetuo trium-
phantium, Festo,

GAUDIUM eorundem IN JUBI-
LÆO N. T. CHRISTIANO CIR-
CA ANIMAS POENITENTES
VERE JUBILÆUM,

Ad

Prosequendum illud devotissimis Meditationibus, & ut circa S
riter etiam instituat, Studiofissime committendu

*Omnibus Omnium Ordinum Acad
cis Civibus,*

Publica hac, ipsorumq; salutis serio intenta atqve addicta ratione commendat.



ROSTOCHII, Typis JOH. WEPPLINGI, SEREN. PRINC. & ACAD. Typogr.

M. 1256-152



Disserui quædam, CIVES

OMNIUM ORDINUM HONORATISSIMI, in Programmate illo Sacro, quod præterito Pentecostes Festo, ex more in hac Academia recepto, publicavi, de Jubilæo Christianorum in N. T. Evangelico, ejusdemque Collatore æque ac Obsignatore Gratiofissimo, SPIRITU SANCTO, & quidem occa-

sione Jubilæi illius Secularis, quod iterum per DEI gratiam recolimus anno currente in memoriam Reformationis Evangelicæ, Anno 1517. d. 31. Octobr. à Megalandro Luthero, maxima omnium cum admiratione susceptam; placet igitur & nunc occasione ejusdem in mensem subsequentem incidentis Jubilæi, Programmate hoc Michaelitico nonnulla differere, de præcipuo quodam circa Jubilæum Christianorum N. T. Evangelicum momento, tribus tantum verbis isto tempore insinuato, de Angelorum scil. Sanctorum gaudio vere Jubilæo propter animam illam fidelem, quæ non parvi profecto æstimat immensam illam Gratiæ Divinæ abundantiam, Jubilæo N. T. Gratiofo exhibitam, sed perpetui etiam sui Jubilæi legitimo flagrans studio, in id omnibus viribus intenta est, ut quamdiu vita hac frui sibi licet mortali, tamdiu gratiæ ac benevolentia Divinæ per poenitentiam sibi conciliatæ, incomparabili thesauro exoptatum in modum perfruatur. Occurrit de gaudio hoc, Angelorum, nominatim Beatorum, Cœlesti, meo quidem arbitrio omnium maxime Jubilæi nomine digno, illustrissimum aliquod testimonium in Evangelistæ Lucæ Cap. XV. v. 10. quippe in quo ipsemet Salvator noster Gloriosissimus, postquam in antecedentibus duabus Parabolis, altera, de ove deperdita, altera, de deperdita drachma, egregia prorsus Apologia sese defenderat adversus Scribarum & Pharisæorum injustas criminationes, ob promte exceptos à se conversos Publicanos æque ac Peccatores, adversus semetipsum institutas, & simul genuinum fidelium animarum, Pastorum circa oves errantes officium (quod quærendo, absolvitur, reducendo, & congaudendo) sanctissimo suo exemplo liqvide demonstraverat, subjuncto Epiphonemate satis Emphatico bigam Parabolarum istarum Apologeticam concludit, eodemque fructuosissimam poenitentia

tia

tia debita ratione comparata dignitatem mirabiliter extollit, sequens
tia proferendo verba pondere inexhausta: *Ego dico Vobis, quod ita
quoque gaudium futurum sit (enascetur) in celo coram Angelis DEI
super Peccatore uno, eoque poenitente, illis scil. Angelis, qui integritate
sua ab omni peccato remoti in loco illo glorioso Visione DEI beatifica
aeternum triumphant. Non attingam hac vice gaudium illud ineffa-
bile DEI Patris de Peccatore quodam poenitente, quod ipse etiam Chri-
stus in Parabola de Patre illo Filii prodigi, ob redeuntem ad officium
suum Filium, intimo cordis gaudio tripudiante, in eodem Capite
v. II. sqq. graviter admodum adumbravit; non attingam gaudium il-
lud ineffabile Filii DEI, Pastoris illius animarum Supremi, de Peccato-
re quodam poenitente, quod ipsemet iterum eodem Cap. v. 1--7. Para-
bola illa de Pastore ovem quandam deperditam quarente, reportante &
idcirco largiter gaudente, mellita sane ratione delineavit: nec attingam
gaudium illud ineffabile Spiritus Sancti, de Peccatore quodam poeni-
tente, quod Parabolam eodem in Capite v. 7--10. proposita, Mullere
scil. drachmam quandam amissam quarente, inveniende, & impense
latante, juxta plerorumque Commentatorum, quantum mihi quidem
constat, sententiam, denuo Redemptor noster, JESUS CHRISTUS, aureo
certe simili, tectiori licet ratione, designavit: sed attingam tantum
hac vice gaudium illud Angelorum Beatorum verè Jubilæum, quod ver-
bis paulo ante in medium productis ab ipso Christo luculentissime ex-
pressum est, & à Pio illo *Bernhardo* sermone trigesimo in Canticum Can-
ticorum, aliis quancquam, inter alia, iisque his verbis, eodem tamen
sine dubio sensu, prolatum: *Poenitentium Lacryma sunt Angelorum
delicia.* Hoc ipsum autem Angelorum Sanctorum Jubilæum, dum inti-
miori quadam mentis æstimatione consideratur, & accuratiori pensitati-
one pervolvitur, & quoad internam illam, quæ ipsi insita est, natu-
ram & proprietatem, & quoad externam, quæ ipsi adita est, conditi-
onem, non aliter concipi potest neque concipitur, quam *Jubilæum ad
beneplaciti Divini normam exacte compositum*, quippe quo propter
εικείνω & maximam cum DEO unionem Angeli de eo latantur, de
quo latatur DEUS & Angeli suum de eo testantur beneplacitum, de
quo DEUS suum non tantum testatur beneplacitum, sed & circa quod
illud*

) (2

illud assequitur æque ac exsequitur, quæle quid est Conversio Hominis Peccatoris, quam in verbo testimonii sui longe gratissimam sibi esse, confirmat juramento per æternam vitæ suæ veritatem conformato, quamque in eodem alibi verbo maxime conformem esse declarat essentia suæ ac voluntati, nonnisi quod Sanctum & Justum est, amanti, jubenti, comprobanti, gratioseque remuneranti, quamque vel idèo jucundissimam sibi esse, impensissimo suo gaudio significant Angeli Sancti, Divinam undiquaque Sanctitatem & Justitiam integerrime propugnantes, essentiaque suæ ac voluntati, Essentia & Voluntati Divinae optime rectissimeque subordinatæ, pariter esse convenientissimam. Nec est quod existimemus, solo illo, quod jamjam protulimus, momento, absolvi naturam & indolem Jubili illius Angelici in Jubilæo N. T. Christiano verè Jubilæi, est potius quod nobis firmiter persvadeamus, in eo ulterius eandem sese exserere, quod sit *Jubilum ad mutuam cum DEO conversationem maxime directum*, quippe quo operosissime id procurare conantur gaudentes Angeli, ut Homines Peccatores, qui infelicissimum in modum exciderunt quidem è communione præstantissima gratia simul ac gloria, ad eam tamen per genuinam suam poenitentiam felicissimum in modum redierunt, ab impoenitentibus, communionem illa & in tempore & in æternitate misere carentibus, longissime sint & maneat remoti, & contra, vere poenitentibus, & in tempore & in æternitate splendide communionem illa fruentibus, arctissime ita sint & maneat conjuncti, ut conversari possint inchoata quadam ratione cum DEO Uni-Trino, sincera fide, integritate vitæ, & indefessa laude, in communionem benedicta gratia, & visione intemerata, sanctitate incorrupta, celebrationeque nova, eaque continua, consummata illa ratione, in communionem beata gloria. Ecce novum aliquod, quod apparet, documentum, naturam exhibens & proprietatem dulcissimi illius Angelorum Sanctorum Jubili, quod circa Peccatorem instituit poenitentem in Jubilæo N. T. gratioso, sed tale documentum, quod aliud concomitatur novum, ex quo constare porro potest, quod Jubilum illud Angelicum sit etiam *Jubilum salvifici Christi meriti præconio egregie conspicuum*, quo mediante Spiritus illi Ministratorii, qui Salvatori nostro Gratiosissimo, à primo statim nativitatis initio ad gloriosam usque in Cælum ascensionem, in omnibus ejusdem, passionis quoque

quoque & resurrectionis, actibus, paratissimo suo adfuerunt ministerio, quantum possunt operam adhibent maximam, ut dignum in modum illustrent & pradicent excellentissimum illum fructum pariter ac effectum, qui ex redemptione & satisfactione Salvatoris jamjam memorati plane inestimabili, ad Peccatores legitime poenitentes copiose eo ipso redundat, quod pretioso ejus, tanquam Agni immaculati, sanguine, à gravissimo peccatorum reatu absolvantur integre & emundentur, pulcherrimo salutis ejus vestimento & justitiæ ejus amiculo condecorentur, & è numero Filiorum iræ, noctis, peccati & mortis, transferantur in catalogum Filiorum gratiæ, lucis, sanctitatis & vitæ, sicque admodum liberaliter adoptentur in Filiationem spiritualem hic in Via, ex ipsorum parte nondum perfectam, ibi verò in Patria, omni ex parte omnibus suis modis absolutam. Verum enimvero, ut intra Programmatis brevioris me contineam terminos, prætermissis reliquis, quæ in hoc argumenti genere in medium produci possunt, illustramenti, unum tantummodo Superioribus addo momentum, de natura & indole Angelici circa animas DEO reconciliatas occupati Jubili, constrictissimis, æque ac præcedentia, lineamenti, summatim descriptum, quo nempe poenitentiale illud, in quod intenti sumus, Angelorum Sanctorum Jubilum, ut *Jubilum* quoque representatur *intemerata erga Homines Concives caritate referitur*, cujus beneficio Benignissimi illi Spiritus intentissimo rursus amore prosequuntur omnes illos ac singulos, quos magno averfati sunt odio, & indignos judicaverunt prænobili suo consortio & ministerio, per illud tempus, quo indignos reddiderunt semetipsos Cœlestibus auxiliis Clementissime sibi collatis, castra circa eosdem ponunt longe illustrissima & adversus hostium quorumvis prævalentes alias impetus munitissima, in Ecclesia militante, tanquam membra uno sub Capite Supremo, JESU nempe CHRISTO, pro DEI gloria & animarum salute, armis spiritualibus pugnantia, agnoscunt, fovent, defendunt, omnique consortii sui genere suo modo exhilarant, sique in statu illo reconciliationis lætissimo, ad analysin usque pacificam sincera fide & debita sanctimonia perseverent, animas ipsorum in sinum illum deportant Abrahamicum, Ecclesiam illam triumphantem, ubi suo tempore

cum corporibus conjunctæ, *isayydia* illa beatissima & profluente inde consortio illo suavissimo, felicissime in æternum exultabunt

Attendamus nunc, quod restat adhuc, CIVES OMNIUM ORDINUM HONORATISSIMI, debitum nostrum officium, quod sancte nobis obeundum est, non tantum in præsentis hoc S. Michaelis Archangeli, reliquorumque Angelorum Sanctorum Festo, sed & in omni illo, quod nobis residuum est, vitæ spatio, & ea, quæ decet, mentis devotione agnoscamus, ad explanatum hæcenus aliqua ex parte Angelicum Jubilum idque vere Jubilæum, de gratiosa pariter ac gloriosa animarum poenitentium salute magnacum lætitia adornatum, omnia Jubilæi Christianorum in N. T. Mystici genera, velut ad centrum quoddam accuratissimum, admiratione digna quadam harmonia concurrere, qualia sunt ex cardinalibus sive præcipuis, *Jubilæum prædestinationis æternæ*, quo mediante DEUS elegit omnes Homines in Christo ante jacta Mundi fundamenta, ut sancti essent & inculpatis in conspectu ejus in laudem gloriæ ejusdem gratiæ; *Jubilæum vocationis & revocationis sœvitiæ*, quo mediante DEUS variis modis vocavit omnes Homines in tempore, variisque vicibus revocavit, ut essent manerentque Cives digni Regno suo gratiæ in tempore & Regno suo gloriæ in æternitate; *Jubilæum redemptionis pretiosæ*, quo mediante Salvator noster *Θεάνθρωπος* omnes Homines æterna redemptione ab Inferni faucibus vindicavit & Cœlesti Paradiso salutariter restituit; *Jubilæum sanctificationis augustæ*, quo mediante Spiritus Sanctus, quantum in se est, omnes Homines per mediâ gratiæ justificat, regenerat, renovat, & sanctificat, ut integer ipsorum Spiritus, anima & corpus irreprehensibiliter præservetur ad adventum usque Domini nostri JESU Christi beatum & extremum. Reformemus sic vitam nostram, si quæ se præbet inordinatam, blande nos ad hoc invitante, quod brevi, ut supra innuimus, tempore, recurret, Seculari Evangelicæ Reformationis Jubilæo, ut DEO Clementer adjuvante, componamus eandem assidue ad metam illam salutiferam, quæ per prædestinationem nostram est præordinata, per creationem nostram conformata, vocationem & revocationem nostram repetita, per

per redemptionem nostram redintegrata, & per sanctificationem nostram præmunita, poenitentiam scilicet fide constipatam, sæpius iteratam, adeoque perpetuam, quippe per quam ex optimo *Augustini, Bernhardi, Lutheri*, aliorumque candidorum Ecclesiæ Doctorum iudicio, universum vere Christianorum vitæ curriculum, iusta quadam ratione absolvitur, quod brabeum Cœleste ex gratuita DEI remuneratione liberaliter consequitur: sicque per Divinum auxilium nostrumque indefessum studium, incomparabile illud nobis in præsentī mortalitate comparemus Jubilæum gratiæ, quo Sancti pariter Angeli de nostra etiam eaque vera poenitentia & fide Jubiloso maximopere sibi gratulentur, & in futura immortalitate, impenetrabile illud possideamus Jubilæum gloriæ, quo recepti in beatum Spirituum horum Electorum ordinem ac numerum, de eodem, alia inter innumera, argumento, Jubilum cum iisdem, Concivibus nostris, continuare possimus Trisagii illius sine fine gloriosum.

O *Veneranda Trinitas!*
Par Splendor & Divinitas.
Lux Sancta, Sancta Puritas.
O Sancta Pax & Caritas!



Quam dulcis poenitentibus,
Quam pius es petentibus,
Quam bonus TE quærentibus,
Et sic invenientibus.

Vera

*Vera Dulcedo Cordium,
Fide TE complectentium,
Excedens omne gaudium,
Et omne desiderium.*

*Cantamus TIBI gratiam,
Devotæ mentis copiam:
Eo quod per præsentiam
Tuam videmus gloriam.*

*Æterni Tui Nominis,
Divinæque dulcedinis,
Tui laus honor Numinis,
Regnum beatitudinis.*

*TIBI sit laudis gloria,
Sit honor & scientia.
Sit robur & potentia,
In sempiterna Secula.*

P. P. Sub Sigillo Rectoratus Academici, in ipso Michaelis Archangeli & Angelorum Festo, Anno, ob restauratam religionem, eamq: genuinam, Seculari & Jubilæo MDCCXVII.

15)0(0

per redemptionem nostram redintegrata, & per sanctificationem
stram præmunita, poenitentiam scilicet fide constipatam, so-
ratam, adeoque perpetuam, quippe per quam ex optimo
Bernhardi, Lutheri, aliorumque candidorum Ecclesie Do-
judicio, universum vere Christianorum vitæ curriculum, ju-
dam ratione absolvitur, quod brabeum Cœlestis ex gratuita
muneratione liberaliter consequitur: sicque per Divinum
lium nostrumque indefessum studium, incomparabile illud
in præsentis mortalitate comparemus Jubilæum gratiæ, quod
pariter Angeli de nostra etiam eaque vera poenitentia & fide
gratioso maximopere sibi gratulentur, & in futura immo-
impenetrabile illud possideamus Jubilæum gloriæ, quo rec-
beatum Spirituum horum Electorum ordinem ac numerum
odem, alia inter innumera, argumento, Jubilæum cum iisdem
civibus nostris, continuare possimus Trisagii illius sine fine
sum.

O Veneranda Trinitas!
Par Splendor & Divinitas,
Lux Sancta, Sancta Puritas,
O Sancta Pax & Caritas!



Quam dulcis poenitentibus,
Quam pius es petentibus,
Quam bonus TE quærentibus,
Et sic invenientibus.

